

**Tasiilami Tunumiunut tamanut atorneqartussamik Qaqiffimmik pilersitsisoqarnissaa-nik Naalakkersuisut suliniuteqaqqullugit Inatsisartut aalajangiiffigisassaattut siunner-suut**

(Inatsisartunut ilaasortaq Aleqa Hammond, Siumut)

**Akissuteqaat**

(Peqqissutsimut Naalakkersuisoq, Agathe Fontain)

**Aappassaaneerneqarnera**

Imigassamik pinngitsuuisinnaannginnermik katsorsaasarnerup annertunerusumik ukkatari-neqarnissaa Naalakkersuisut isumaqatigaat.

Naalakkersuisut isumaqarput imigassamik pinngitsuuisinnaannginnermik katsorsaasarnerup nuunneqarnissaata isumaqtiginninniutigineqarnerata nalaani katsorsaariaatsimut aalajangersimasumut ataatsimut pituttorneq katsorsaavinnillu nunap immikkoortuini aalajangersimasuni inissiiniarneq tulluartuunngitsoq, aalajangiinerit taama ittut KANUKOKA-p Peqqissutsimut Naalakkersuisoqarfullu akornanni imigassamik pinngitsuuisinnaannginnermik katsorsaasarnerup nuunneqarnissaata isumaqtiginninniutigineqarnerisa nalaani killilersuisussaammata.

Nalakkersuisut maluginiarpaattaaq suliassaqarfimmi tamatumani Kommuneqarfik Sermer-suup Tasiilami suliniuteqarnissaq pilersaarutigigaa.

Naalakkersuisut inassutigaat aalajangiiffigisassatut siunnersuut maannakkutut isikkoqartillugu itigartitsissutigineqassasoq. Naalakkersuisut siunnersuuteqartoq ima ilalersinnaavaat, imigassamik pinngitsuuisinnaannginnermik piffimmi katsorsaasarnerup periarfissaqarnera tunngavissaqarneralu imigassamik pinngitsuuisinnaannginnermik siunissami katsorsaasarnissaq pil-lugu KANUKOKA-p Peqqissutsimut Naalakkersuisoqarfullu akornanni oqaloqatigiinnernut ilanngunniarlugit.